

Dijaspora opremila bolnicu

FOTO: MN



Oprema pristigla iz Švedske

SANSKI MOST - Medicinski aparati za bolnicu u Sanskom Mostu, čija je vrijednost procijenjena na oko 250.000 maraka, stigla je juče u ovaj grad.

Prema riječima koordinatora za izgradnju opće bolnice u ovome gradu Hajrudina Boškovića, radi se o posljednjoj u nizu donacija medicinske opreme kojom će biti opremljena ova zdravstvena ustanova.

"Ova oprema je stigla iz univerzitetske bolnice u švedskom gradu Linčepingu, a najviše zasluga za njenu realizaciju pripada Adisu Begoviću, Bosancu koji radi u ovoj ustanovi", rekao je Bošković.

On je dodao kako je Be-

gović putem Interneta saznao za potrebe buduće bolnice te potom ponudio svoju pomoć.

Bošković je rekao kako se radi o korištenoj, ali veoma očuvanoj opremi za operativne zahvate te za utvrđivanje i praćenje dijagnoza kod pacijenata.

"Oprema je stigla u pravo vrijeme s obzirom da krajem ove godine očekujemo otvaranje bolnice. Dobili smo aparate koji su nam nedostajali", istakao je Bošković.

Prema njegovim riječima, bolnica je sada potpuno opremljena, a zanimljivo je da su gotovo svi medicinski aparati stigli u vidu donacija iz inostranstva.

Z.Č.